



Ikamva-Ukunonophela
abantwana bethu

Isiqinisekiso 1

Isihloko sesifundo: Imithetho Elishumi

Isikhokelo soMzali

Isikolo seCawa saseKhaya



Mzali Othandekayo

Wamkelekile kwisifundo sesiQinisekiso 1 esithi “**Imthetho Elishumi**”

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	<p>Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS</p>
2.	<p>Qokelela ezi zixhobo zilandelayo ukuze uqiniseke ukuba usilungele isifundo:</p> <ul style="list-style-type: none"> • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neependulo, iikhrayoni, njl. • Isiqwana sevideo sisixhobo esongezwayo / sisixhobo esongezelwayo sokuzikhethela • ICatechism nakwiCatechism kwimiBuzo neMpendulo (ngokukhethekileyo kwisiqinisekiso) <p>Qaphela:</p> <p>2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa.</p> <p>2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45.</p> <p>2.3: Isifundo seseklasi ngaye (Isiqinisekiso 1).</p> <p>2.4: Nceda unxibelelane notitshala wesiqinisekiso ukuba ufuna naluphina uncedo okanye ufuna nasiphina isixhobo kwezi zingasentla.</p>
3.	<p>Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.</p>



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubekeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amanqaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana (Nam Ndiyafuna uku.....)
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiqinisekison 2.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).



Isifundo

Isihloko seSifundo	Imithetho Elishumi
Injongo yesifundo	Ukubaluleka kweMithetho Elishumi namhlanje. Izenzo zethu kufuneka mazibonakalise indlela esiziphatha ngayo mayela noThixo kwkunye nabanye abantu.
Isicatshulwa seBhayibhile	IEksodus 20

Isishwankathelo sesifundo:

Imiyalelo Elishumi
<ol style="list-style-type: none">1. NdinguThixo wakho. Uze ungabi nathixo ngaphandle kwam.2. Uze ungafumane ulibize igama likaYehova uThixo wakho, kuba uYehova akayikumenza omsulwa, ofumana alibize igama lakhe.3. Khumbula umhla weSabatha ukuba uwungcwelise.4. beka uyihlo nonyoko, ukuze yolulwe imihla yakho emhlabeni, akunika wona uYehova uThixo wakho.5. Uze ungabulali.6. Uze ungakrexezi.7. Uze ungebi.8. Uze ungangqini ubungqina obubuxoki ngommelwane wakho.9. Uze unganqweneli umzi wommelwane wakho.10. Uze ungamnqweneli umfazi wommelwane wakho, nesicaka sakhe, nesicakakazi sakhe, nenkomo yakhe, ne-esile lakhe, nanye into eyeyommelwane wakho.
<p>Intsusa:</p> <p>UThixo wanika uMoses iMithetho eliShumi kwiNtaba yeSinayi. UThixo wanika abantu bakwa-Israyeli iMithetho ukuze babenokwakha ubuhlobo kunye naye babe nobudlelwane obuhle kunye nabanye abantu.</p> <p>Oku kwenzeka amawaka amaninzi eminyaka eyadlulayo. Ingaba imithetho isasebenza nanamhlanje? Ingaba ifanele isiphembelele kwaye ibumbe indlela esiziphethe ngayo namhlanje? Masiyijonge ngokuhlalutya umthetho ngamnye kunye nokuhambelana kwawo?</p>



Imithetho Elishumi

1 ***NdinguYehova, uThixo wakho. Uze ungabi nathixo ngaphandle kwam.***

Umthetho wokuqala uthetha ukuba iNkosi yiNkosi yazo zonke izinto.

Nguye kuphela uMdali wezinto zonke ofanele ukunqulwa. Sizukisa uThixo ngokuphuma eluthandweni. Sayamamkela uThixo njengoko wabonakala ehlabathini: kuYesu Krestu. Asenzi thixo wamandla, imali, izithixo kwanathi. Asiboni thixo kwimifanekiso eqingqiweyo, emithini okanye kwezinye izinto zendalo.

2 ***Uze ungafumane ulibize igama likaYehova uThixo wakho, kuba uYehova akayikumenza omsulwa, ofumana alibize igama lakhe.***

Kufuneka sigcine zonke izinto ezinxulumene noThixo kunye negama lakhe lingcwele.

Oku kuyasebenza koko sikucingayo, sikuthethayo nesikwenzayo! Nokungakhathalelwa kokusetyenziswa kwamagama "kaThixo, uYesu Krestu okanye umoya oyiNgcwele kwiintetho nje okanye ukuhlekisa kukwaphulwa kwalo mthetho.

3 ***Khumbula umhla weSabatha ukuba uwugcwalise.***

KumaKristu, iSabatha ngumhla weCawa (umhla awavuswa ngawo uYesu Kristu).

Sibeka bucala usuku olunye evekini ukuba sinqule uThixo kwaye sigcine iingcinga zethu zixakekile lilizwi lakhe. ICawa kufuneka ibe lusuku lokuphumla kunye nosuku lokubhiyozela umphefumlo. Sigcina usuku lweCawa lungcwele ngokunqula uThixo kwiinkonzo nangokwenza ngokwelizwi esilifumanayo ngexesha lenkonzo.

4 ***Beka uyihlo nonyoko, ukuze yolulwe imihla yakho emhlabeni, akunika wona uYehova uThixo wakho.***

Bonakalisa imbeko noxabiso kubazali bakho.

Lo kuphela ngumthetho othembisa ngomvuzo. Wenzelwe bonke abantu bayo yonke iminyaka - wokubonakalisa imbeko nokuxabisa kubazali bakho. Nokuba badala kangakanani na, abantwana banoxanduva lokuhlonipha abazali babo. *Isithembiso "sobomi obude" yimbonakaliso yentsikelelo kaThixo kwaye ibonakalisiwe kwizipho zokomoya.*



Imithetho Elishumi

5 *Uze ungabulali.*

Ubomi bunikwe nguThixo. Nguye kuphela oyiNkosi phezu kobomi nokufa.

Akukho mntu unelungelo lokuthatha / ukushunqula ubomi. Sinoxanduva lokubugcina, sibukhusele nokugcina ubomi babantu. Lo mthetho usebenza ekukhupheni isisu, ukuzibulala, ukubulala ukuzikhusela, ukubulala emfazweni, isigwebo sentambo kunye nokubulala umntu osentlungwini ngokumbhubhisa.

6 *Uze ungakrexezi.*

Amaqabane kufuneka azinikele omnye komnye ngokuthembeka.

Ngokubanzi, nawuphina umntu otshatileyo olala nomntu ongatshatanga naye, okanye nabani na umntu ongatshatanga abelane ngesini nomntu otshatileyo, uyakrexeza.

7 *Uze ungebi.*

Akuvumelekanga ukuthatha iimpahla okanye izinto zomnye umntu.

Lo mthetho ugubungela ukuxhaphaza, urhwaphilizo, ubuqhetseba. Kufuneka singamphangi “ummelwane” wethu (abantu) kwimbeko nokundiliseka kwabo okanye sihlasele isidima sabo.

8 *Uze ungangqini ubungqina obubuxoki ngommelwane wakho.*

Ubungqina obubuxoki yingxelo engeyonyani (ukubeka nje - ubuxoki) ngentlonelo komnye umntu.

Kufuneka senze kwaye sithethe inyani. Ubuxoki obuMhlophe, iinyani ezisiqingatha kunye neenkcazo ezenzelwe ukufihla iinyani eziyinyani kunye nezithuko zonke ezo lulwaphulo lwalo mthetho. Ukuqhayisa, ukubaxa isa, uhanahaniso, ukusasaza amahlebezi, ukutyibilika kwamehlo zonke izinto kukunganyaniseki.



Imithetho Elishumi

9 *Uze ungawunqweneli umzi wommelwane wakho.*

10 *Uze ungamnqweneli umfazi wommelwane wakho, nokuba sisicakakazi sakhe, nokuba sisicakakazi sakhe, nokuba yinkomo yakhe, ne-esile lakhe, nanye into eyeyommelwane wakho.*

Umithetho ye-9 nowe-10 ngamanye amaxesha ashwankathelwa kwinto enye njengoko zidibene ngokusondeleyo. Ukunqwenela -inkanuko yesono- ukuba unqwenela into ethandekayo nexabisekileyo komnye umntu. Umnqweno unokukhula ube ngumona, ukubawela imali kunye nonzondo kwaye ezi ziimvakalelo ezonakalisayo. Siyalelwe ukuba sisebenzise ukuzilawula kwaye senze izinto ezibonakalisa intliziyo esulungekileyo.

Ngokubanzi, imithetho, imiyalelo, imigaqo ikho ukuze isikhusele kwaye isigcine sikhuselekile. Iyasikhokela kwizenzo zethu nempatho yethu. Isifundisa ukuba "ukuba njani" ukuze sibe nobomi obulungileyo apha emhlabeni kwaye isilungiselela ubomi banaphakade.

Sithetha ukuthini esi sifundo kuthi namhlanje?

- Kwimithetho elishumi, uThixo uthetha nabantu bonke.
- Yindlela apho sinokulwakha ubuhlobo bethu noThixo nabanye abantu
- Ekugqibeleni, kufuneka sivumele imithetho kaThixo ukuba isikhokele kwaye iphembelele ukuziphatha kwethu.

linkcukacha ezingmdla malunga neMithetho Elishumi:

1. Yayingabizwa ngokuba "yimithetho elishumi" nguMoses. Kwibhayibhile, igama elisetyenziswe kwiilwimi zantlandlolo 'ngamagama alishumi;' ikwabizwa ngokuba yi "Ngxoxo".
2. Imithetho emine yokuqala ibhekisa kwindlela uluntu olunxulumene ngayo kuThixo; emithandathu yokugqibela ithetha ngendlela uluntu olunxibelelana ngayo. Umthetho omkhulu kaYesu othi ("Mthande uThixo wakho ngentliziyo yakho iphela") -imithetho yokuqala emine ithi ("mthande ummelwane wakho njengoko uzithanda wena") – imithetho emithandathu yokugqibela.
3. Kuphela ngumthetho omnye oza kunye nentsikelelo enxulumene echanekileyo - owesine, "Beka uyihlo nonyoko ukuze yolulwe imihla yakho ekunike yona uThixo wakho".
4. Umthetho owaphulwa ngamaxesha amaninzi ngumthetho wesibini. Ibinzana elithi "Owu, Thixo wam" lithatha igama likaThixo kwilize, elingafuneki lisetyenziswe ngqo. Ngamanye amaxesha ababntu bathi nguYesu okanye uYesu Krestu, kwaye kule mihla siphila kuyo sisebenzisa ibinzana elithi "Awu Thixo Wam". Okubaluleke ngakumbi, umthetho wesibini ngowona mthetho obeka isoyikiso sesohlwayo. Ibhayibhile ayisixeleli ukuba sithini isohlwayo.
5. Ishumi linani eliqhelekileyo eBhayibhileni ukubonisa into egqibeleleyo -njengezibetho ezilishumi zaseYiputha, iintombi ezilishumi kwimbali yeTestamente eNtsha, abantu abalishumi abaneqhenqa abaphilswayo, nokunye okuninzi.



Umthandazo kaTata noMama wokuthandaza ngaphambi kwesifundo:

*Thixo othandekayo, enkosi ngale mini
Sikelela bonke abazali kunye nabantwana
Kunga singeva ubukho bakho
Sikelela isifundo esiya kuba naso
Nceda usifundise sikukhonze njani
Kwaye sincede senze intando yakho
Ukuze sisondele kufuphi kuwe
Thumela uYesu ukuze asiphuthume
Kwaye kwanga singakulungela ukuhlangana naYe
Amen*



Amabakala abalulekileyo
